



□ Cinz Gvanghniuj Cinz Yiz / 覃光扭 覃瑜

2. Gag dingh doxaeu

Liuzsaez:

Ngoenzneix caiq doxbungz,
Miz maz go couh gangj,
Sam ndwen mbouj doxraen,
Vah gaeuq gaej hai bak.

Goenglungz:

Goleux hai va maeq,
Go'nyaeq mbungqmbaj ciuz,
Daeggo rim dungx vah,
Couh lumj Dahdazgaih,
Dazgaih ngutnyeuj bya gungq lai,
Nuengx siengj gwn gungq mwngz couh naeuz,
Raeuz daengz laj dah lumh gaeuq bae.

Liuzsaez:

Gou siengj roengz dah caeuq go lumh,
Youh lau oen dumh gaz dinvaq,
Dah laeg bing yax go mbouj gangj,
Fanj daenj haiznyangj bae lumh gungq.

Goenglungz:

50 daengz naj dam gwn ndei,
Seiqgeiq cingh naemj gwn gajndei,

Cae naz couh siengj ndaej gwn haeux,
NyauX daeuh couh niemh ndaej gwn ceiz,
Gyaez nuengx couh siengj guh gvan-baz,
Caemh mbonq caemh swiz caemh-gwndaenj.

Liuzsaez:

Daeggo bakyouz youh bakraeuz,
Duzroeg hawj de yaeuh daengz laj,
Gaxgonq gietsim lij caiq haq,
Deng de gangj daengz youh mbouj siengj,
Daeggo danghnaeuz gangj caencingz,
Dahnuengx caeuq mwngz giet yaem-yieng.

Goenglungz:

Daeggo gangj vah dwg caencieng,
Raeuz neix diemj yieng lwnh bousien,
Cien bi fanh bi dwg gvanbaz,
Dah hawq rin yaet mbouj bienqsim,
Mieng gvaq daj neix cij gyaez mwngz,
Cien gyae fanh gyae mbouj cuengq-fwngz.

Liuzsaez:

Lau go lumj go'ndoeK,
Caenh genghgoek gag soh,
Baez ndaej max daeuj ret,
Couh ndek youq ndaw loengz,
Ndown youq va baecongZ,
Couh yawj nuengx guh boengz.

Goenglungz:

Daeggo dwg gocoengz,
Ndown dwk dingj nae hung,
Mboujguenj rumz naeuz nae,
Dimz dai lij lix heu.
Ngoenzneix baenz gvanbaz,
Yidaeq guh goengcingq,
Mbouj gouz doengz ndwen doengz ngoenz seng,
Cij muengh doengz ndwen doengz ngoenz dai,
Haij hawq rin yaet mbouj bienqsim,
Danghnaeuz bienqsim byaj couh bag.

3. Gyaep okdou

Daesaez:

Daxmeh mwngz bae lawz,
Bouxbox gangj mwngz haeu,

Naeuz mwngz ma dajsauq,
Rieng raez gvaq bakcauq,
Lij dauqma guh maz.

Mbouj youq ranz yietnaiq,
Okbae baek ngaiz gengx,
Haih lwg youh haih lan,
Deng daengx mbanj dacaengz.

Yah Daesaez:

Daxmeh baenzneix ndauq,
Doiq mwngz baenzneix ndei,
Cix louz mbouj ndaej mwngz,
50 lij baehaq,
Max laux gaqcibcih,
Daengx ndang cungj dwg cuij,
Danghnaeuz lij doxma,
Daengx mbanj doengjnyouh caj,
Dou mbouj saj vunz saj.

Lwg Daesaez:

Aenvih gou mbouj gvai,
Daxbuz deng gwn cai,
Ngoenzcog gou maj hung,
Cawx noh hawj daxbuz,
Yaeuh daxbuz dauqma,
Caeuq lwglan guhcaemz,
Gaej bae caeuq mougo. (caengz sat)

Dangj A, Daxmeh Ndeigyaez

党啊，亲爱的妈妈

□ Cangh Yenyingh / 张彦英

Ngoenzneix dwg ngoenzseng mwngz
Dangj a, daxmeh ndeigyaez
Gou yaek ciengq souj go he hawj mwngz, veh fuk veh he
Lij aeu caeuq mwngz gangj vah ndawsim

Gou yaek ndwn youq dingj ranz ciengq go
Ranz diegcoj gaenq dauqcungz guh gvaq
Gou yaek ndwn youq ndaw naz ciengq go
Haeuxmienh gaenq fungsou, haeuxyangz cingq majhung
Gou yaek ndwn youq dingj bya ciengq go
Hawj byadah guekcoj dingqnyi
Gizneix fanzyungz caeuq huzndei dangqmaz

Gou yaek veh najriu ndaw singz bousvunz
Youq gvangjcangz, youq ranzyouq
Youq gwnz roen hwnj roengzban, youq gyanghaet caeuq banhaemh
Gou yaek veh fwjhau caeuq mbwnlamz
Veh ngamq doek fwn liux mbwn rongh miz duz doengz he gig gyaeundei hawj mwngz yawj
Gou lij yaek veh fuk veh ndeu
Baihgwngz dwg rizdin coh naj bousvunz guek raeuz dwgrengz nyinhcaen dwk bae saedyienh siengjmuengh Cungguck

Ngoenzneix dwg ngoenzseng mwngz
Dangj a, daxmeh ndeigyaez



Vunzguhnaz sou gvehoengz

Aencingz mwngz lumj haij nei laeg
Aencingz mwngz beij mbwn lij gvangq
Youq miengnaeuz seiz, gou lae roengz gij raemxda gikdoengh
Moix aen cih cungj gaek youq ndawsim gou
Haenx dwg cungj cungeig caeuq giendingh itcig daengz yaek dai

Dangj a, daxmeh ndeigyaez
Mwngz laebdaeb dazyinx raeuz youq gwnz roen minzczuZ fukhwng coh naj buetrobrob
Gou lumjbaenz gaenq yawjraen ronghsag ngoenzcog

Ngoenzneix dwg ngoenzseng mwngz
Dangj a, daxmeh ndeigyaez
Gou lumj bous lwgnyez he yaek majhung nei
Simdam dwk ndoj youq ndaw rungj mwngz, ancingh dwk ninz